

Headline	Pewartaan keluar HSKLU tidak bertanggungjawab		
MediaTitle	Utusan Malaysia		
Date	03 Sep 2021	Color	Full Color
Section	Dlm Negeri	Circulation	107,609
Page No	4	Readership	322,827
Language	Malay	ArticleSize	402 cm ²
Journalist	N/A	AdValue	RM 16,502
Frequency	Daily	PR Value	RM 49,505



Pewartaan keluar HSKLU tidak bertanggungjawab

PUTRAJAYA: Kementerian Tenaga dan Sumber Asli tidak bersetuju terhadap tindakan pewartaan keluar Hutan Simpan Kuala Langat Utara (HSKLU), malah telah mengemukakan bantahan rasmi kepada kerajaan negeri itu berhubung perkara tersebut tahun lalu.

Menterinya, Datuk Seri Takiyuddin Hassan berkata, kementerian itu memandang berat dan mengambil perhatian pewartaan keluar hutan simpan berkenaan yang melibatkan kehilangan sebahagian daripada keluasan asal iaitu seluas 957.63 hektar.

"Ini kerana sehingga tahun 2019, data Jabatan Perhutanan Semenanjung Malaysia (JPSM) menunjukkan jumlah kawasan berhutan Negeri Selangor adalah pada 31.74 peratus.

"Kementerian juga mengambil maklum penggantian seluas 579.64 hektar melibatkan empat kawasan hutan berasingan.

"Ia membabitkan Hutan Simpan Sungai Panjang (308.62 hektar), Hutan Simpan Buloh Telor Barat (149.96 hektar), Hutan Simpan Buloh Telor Timur (57.18 hektar) dan Hutan Simpan Broga (63.88 hektar) sebagai Hutan Simpanan



HUTAN Simpan Kuala Langat Utara yang menyimpan pelbagai khazanah flora dan fauna berharga kini termasuk dalam pelan kerajaan negeri untuk dimajukan dengan projek komersial.

Kekal," katanya dalam kenyataan akhbar semalam.

Semalam, Jabatan Perhutanan Selangor mengesahkan keluasan pembermilikan kawasan nyahwarta HSKLU pada 5 Mei lalu kepada syarikat pemaju, Gabun-

gan Indah Sdn. Bhd.

Kelulusan kontroversi penyahwartaan tanah seluas 536.7 hektar tersebut oleh kerajaan negeri pimpinan Pakatan Harapan itu malahan bercanggah dengan keputusan PKR sebelum itu seka-

li gus mencetuskan kemarahan Presiden parti berkenaan, Datuk Seri Anwar Ibrahim yang meminta Menteri Besar Selangor, Datuk Seri Amirudin Shari memberi penjelasan tuntas.

Takiyuddin berkata, Malay-

sia komited dalam memastikan sekurang-kurangnya 50 peratus daripada keluasan tanah negara dilitupi kawasan berhutan selaras dengan komitmen yang dinyatakan di peringkat antarabangsa.

Sementara itu, Sahabat Alam Malaysia (SAM) menyifatkan langkah kerajaan Selangor menyahwarta Hutan Simpan Kuala Langat Utara sebagai tidak bertanggungjawab kerana lokasi itu merupakan salah satu hutan gambut terakhir di selatan negeri itu yang menjadi 'mangsa' kerakusan pembangunan komersial.

Presidennya, Meenakshi Ramon berkata, pihaknya amat marah dengan keputusan kerajaan negeri itu terutama pada saat umat manusia menghadapi krisis alam.

Mengulas lanjut, beliau dalam nada kesal berkata, tindakan kerajaan negeri itu juga jelas bercanggah dengan Rancangan Fizikal Negara yang seharusnya tiada penukaran status.

"HSKLU yang keluasan keseluruhannya 931 hektar itu sudah pun memenuhi syarat Kawasan Sensitif Alam Sekitar Tahap Satu yang wajib dilindungi oleh pihak berkuasa," tegas beliau.